



20. 04. 15

IMAK-ip sinnisoqarfiata ataatsimeersuarnera 2015

Kanukokami siulittaasup oqalugiaataa

Kanukokamit qujarusuppunga IMAK-ip sinnisoqarfiata ataatsimiinneranut IMAK-ip siulersuisuisa Kanukokamut kommunit sinnerlugit kingumut qaaqqusineranut.

Maaniittugut tamatta soqutigisaraarput meeraq siunissami inuiaqatigiinni sullisseqataanissaminut namminerlu ineriartornissaminut pitsaasumik atuarfimmi ilikkagaqarsimalluni ingerlaqqinnissaa. Qangatsiannngortoq oqaaserineqarsimasut aallarniutitut uterfigilaanngualaariartigit.

IMAK-ip sinnisoqarfia 8. april 2003 Ilulissani ataatsimiimmat Kanukokamit ilaatigut oqaatsit uku aninneqarput:

Issuaaneq aallartippoq:

”Atuarfitalak, meeqqat atuarfiat pillugu peqqussutitaaq, ukioq manna aggustimi pisortatigoortumik atulersussaavoq. Atuarfiilli arlallit aallartereerput. Tamanna ilumut pissanganarpoq. Peqqissaartumik sivisuumillu piareersartoqareersimavoq inuiaqatigiit sutigut tamatigut akuutilugit, iluarsaaqqinnissarlu inuiaqatigiit assut qilanaarutigat”.

Issuaaneq naavoq

Ilumut pissanganarpoq. Ilinniartitaanermut Naalackersuisoqarfik IMAK aamma Kanukoka 2013-imi isumaqatigiipput meeqqat atuarfiat nalilersuiffiqineqassasoq. Nalilersuineq naammasseqqammerpoq, nalunaarusiamilu saqqummiunneqartumi pitsannngorsagassaaqasugut nalilerneqarpoq, tamassumalu naliliinerup susassaartugut tamatta piumaffigaatigut iliuuseqatigiinnissaaq pinngitsoorneqarsinnaanngitsaq.

Atuarfinni pisortat akornanni, ilinniartitsisut akornanni, kommunini ingerlatsiviit iluanni politikkerillu akornanni naliliineq oqaloqatigiissutissarpassuarnik atorluagassanik qaqitsivoq. Kanukokamit pitsannngorsaatissanik suleqatigiissuteqarnissamut qilanaarpugut.

Kanukokamit ukiuni kingullerni IMAK suleqatigalugu ilaatigullu Inerisaavik peqatigalugu atuarfinni pisortaaqat pitsorissartarnissaasa ilinniaqqittarnissaasalu ataavarnerusup qulakkeernissaa suliuuteqataaffigaarput. Isumaqatigiinniarnermi kingullermi atuarfinni pisortaaqat pitsorissartarnissaasa ilinniaqqittarnissaasalu qulakkeerniarneqarnissaata angunissaa siunniussaasoq maannakkut susassaartut tamaasa peqatigalugit inissinneqartut oqaatigisariaqarpoq.

Meeqqat atuarfianik aqqissuusseqqinnerup kingorna maqaasineqartartoq tassaavoq angajoqqaat ataatsimoorlutik nipaata inuiaqatigiinnilu oqallinnermut ataatsimoortumik tunulequtalimmik peqataannnginnerat.

Kanukokamit isumaqarpugut meeqqap atualerneraniit angajoqqaanik suleqateqarneq pingaaruti-lerujussuusoq. Allaammi koruuninit millionerpassuarnit nunatsinni ilinniagaqarnerup immikkut ittumik siuarsagaaneranut ukiut tamaasa aningaasaliissutigineqartartunit naleqarnerusutut oqaatigineqarsinnaalluni.

Kanukokamit atuarfiup siulersuisuinut pikkorissaaneq 2013-imiit neqeroorutigisarput atuarfiit siulersuisuinut kommunit peqatigalugit siornali ingerlapparput. Pikkorissaasarnerni maluginiagassaavoq angajoqqaat qanoq peqataarusutsiginerat aammalu siunnersorneqarnissamik ataatsimoorfeqarnissamillu ujartuinerat maluginiagassaalluni. Naatsorsuutigaarput majip naanerani nunatsinni atuarfiit siulersuisuisa amerlanerpaartaat pikkorissaaffigereersimassallugit.

Sulinissami tulliuuttumi atuarfiup siulersuisuinik qinersisarnerup eqaannerusup naapertuunne-
rusullu suliarineqarnissaa ilanngullugu Kanukokamit qaqilersaarparput.

IMAK-ip sinniisoqarfiata maani ataatsimiinnerani eqqartugassaaleqinaviannngitsusi naatsorsuuti-
gaara neriuppungalu maani ataatsimiinnersi pissarsiffigilluarumaarissi. Oqaatiginngitsoorusun-
ngilara Kanukokamit IMAK-imik suleqateqarnerput pitsaasutut isigigatsigu, naak ilaanni sulias-
sat imaannaannginnerit nalaattaraluarlutigit suleqatigiissutigisinnaarsarpassuagut allat peqatigiif-
figilluartaratsigit.

Kingumut Kanukokamit qaaqqusaanitsinnut qujarusuppunga. Ataatsimiilluarisi.